



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Edicti concursus ad Parochialem vacantem Formula X.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

Edicti concursus ad Parochialem.

FORMULA X.

SUMMARIUM.

- 1 Adkursus Parochialis vacantis admittuntur exteri, possidentes aliud Beneficium.
- 2 Canonici Regulares non admittuntur sine dispensatione Apostolica, & num. 3.
- 4 Concurrentibus ad Parochialem po-

- test prorogari terminus usque ad viginti dies.
- 5 Examen concurrentium, si fiat pendente termino, erit nullum, si plures comparuissent, secus si unus approbatus tantum.
- 6 Dies certa examinis concurrentium debet assignari in edicto, alias deberent pro die certo denuo intimari, & numero 7.
- 8 Examen peractum concurrentium coram Examinatoribus non Synodalibus est nullum.
- 9 Qui dicit Examinatores non esse Synodales probare debet, quando tales Episcopus eos appellat, & tales se subscripserunt examini.

N. Episcopus N. five Vicarius Generalis N.

Vacante Animarum Cura Parochialis Ecclesie N. loci N. per obitum N. ultimi illius Possessoris, qui extra Romanam Curiam diem suum clausit extremum: Volentes Nos de idoneo Successore Curæ, & Ecclesie prædictæ ad formam Sac. Conc. Trid. & Constit. B. Pii V. providere, has edictales litteras in forma expediri, & ad valvas Ecclesie Parochialis vacantis, & Cathedralis affigi, & publicari mandavimus, quarum serie omnes, & singulos ad Curam prædictam sic ut supra vacantem concurrere desiderantes convocamus, requirimus, & monemus, ut in termino decem dierum à die affixionis præsentis computandorum, coram Nobis in hac Civitate N. compareant, dent sua nomina, & cognomina, & sese à nostro infra scripto Cancellario inter concurrentes adscribi, & adnotari procurent, nam termino elapso, die ... concursus adnotatorum coram Examinatoribus Synodalibus habebitur, idoneorique Cura prædicta conferetur. Datum &c.

N. Episcopus N. five Vicarius Generalis N.

Loco ✠ Sigilli.

N. Cancellarius Episcopalis.

ADNOTATIONES.

PROVIDERE. Agitur in hac Formula de Parochiali vacante in mense Episcopi, ad cujus collationem liberè pertinet: Quando enim concursus erit intimandus pro Parochiali vacante in mense reservato Sedi Apostolicæ, vel cujus collatio inferiori pertineret, tunc utendum erit Formulis infra dandis.

OMNES. Ad concursum Parochialium vacantium non tantum Diocesani, sed etiam exteri invitantur, nisi adsit aliquod speciale privilegium (prout habent Cathalani) quod Beneficia non conferantur exteris, Sac. Congreg. Concilii apud Nicol. in flos. verb. Concursus, vers. Idem si non vocentur. Sicuti, & possidentes aliud Beneficium Curatum, qui debent admitti, Nicol. ibid. Garz. de Benef. par. 9. cap. 2. num. 208. & 209. Corrad. prax. Benefic. lib. 3. cap. 4. num. 12. quia soli Episcopi Matrimonium spirituale cum prima

chialium vacantium non tantum Diocesani, sed etiam exteri invitantur, nisi adsit aliquod speciale privilegium (prout habent Cathalani) quod Beneficia non conferantur exteris, Sac. Congreg. Concilii apud Nicol. in flos. verb. Concursus, vers. Idem si non vocentur. Sicuti, & possidentes aliud Beneficium Curatum, qui debent admitti, Nicol. ibid. Garz. de Benef. par. 9. cap. 2. num. 208. & 209. Corrad. prax. Benefic. lib. 3. cap. 4. num. 12. quia soli Episcopi Matrimonium spirituale cum prima

ma Ecclesia contrahere. Parochi verò quasi contrahere dicuntur, Lancellot. *instit. Can. de postulat. tit. 8. §. Abbates*, ubi *Glof. verb. videatur*.

2. Non tamen admittuntur Canonici Regulares, qui non obstante dispositione *Text. in cap. quod Dei timorem de stat. Monach.* non admittuntur absque Sedis Apostolicæ Indulto, ut approbante Clemente X. declaravit *Sac. Congr. Episcop. & Regular. 18. Martii 1671.* & patet ex Decreto per extensum relato *in Appendice hujus Operis*.

3. An autem iidem Canonici Regulares possint præsentari ad Ecclesiam Parochialem vacantem juris patronatus, cum casus evenisset *in una Placentina presentationis*, opponentibus Presbyteris sæcularibus incapacitatem P. Archangeli de Georgiis Canonici Regularis Congregationis Sancti Salvatoris cumulativè præsentati, & proposito dubio *An P. Archangelus Georgius Canonicus Regularis Sancti Salvatoris, præsentatus ad Archipresbyteratum sæcularum cum Cura Animarum valeat institui absque Indulto Apostolico, & cum sola licentia ejus Generalis?* *Sac. Congregat. Concilii die 14. Novembris 1693.* respondit *Uniantur Decreta, & causa proponatur formiter auditis omnibus Procuratoribus Generalibus omnium Canonice Regularium, & interim cum Sanctissimo pro concessione Indulti ad favorem P. Georgii cum clausula, quatenus opus sit.* At de hoc iterum agam *in Appendice*.

4. **DECEM DIERUM.** Licet Concil. Trident. præfiniat terminum decem dierum, cum tamen hunc præcisè non assignet, sed arbitrio Episcopi relinquat, poterit esse longior, dummodò non excedat viginti dies, servata forma Constitutionis B. Pii V. in conferendis *la 33. Bullar. nov. tom. 2. Guar. de Benef. d. part. 9. & dicto cap. 2. n. 50. & 51.*

5. **TERMINO ELAPSO.** Si enim examen fieret pendente termino Edicti, concursus esset nullus, & approbatus in eo non posset obtinere, Rot. coram Seraph. *decis. 1148. num. 4.* Quod tamen intellige, quando intrà terminum plures comparuissent ad concursum, & non fuissent examinati: Secus autem, si intrà

terminum nemo alius comparuerit, quia tunc examen sustineretur, ut dixit Rot. *in Carthaginen. Parochialis*, quam refert Theod. Rub. *in suis singular. tom. 1. ad dec. Orani dec. 385.* ubi quod parti impugnanti validitatem concursus incumbit onus probandi adfuisse alios, qui concurrere volebant, & non fuerunt admissi.

6. **DIE . . .** Solent periti, & practici Episcopi de die certo examinis habendi in edicto, mentionem expressam facere, quia si dies certa pro examine non esset ibi determinata, illi, qui pro concursu comparuerunt, & se describi fecerunt, deberent denuò personaliter intimari, & eis dies examinis notificari, nec sufficeret Edictum, ut advertit Episcopus Ventrigl. *prax. part. 2. adnot. 5. §. 1. nu. 17.* Quæ intimatio, quoties casus contingat, poterit concipi modo sequenti.

7. *Intimetur omnibus, & singulis infra-scriptis, qualiter die . . . mensis . . . currentis anni in Palatio Episcopali, & coram Illustrissimo, & Reverendissimo Episcopo (seu Vicario Generali) ac RR. DD. NN. Examinatoribus Synodalibus examen concurrentium ad Ecclesiam Parochialem N. vacantem habebitur, ideò vocantur, requiruntur, & monentur omnes adnotati, ut adsint, & sese examini, dum velint, subiiciant, aliàs pro illis, qui aderunt, examen fiet. Datum &c.*

R. D. N. N.

R. D. N. N.

R. D. N. N.

N. Cancellarius Episcopalis.

8. **CORAM EXAMINATORIBUS SYNODALIBUS.** Si Examinatores non essent Synodales, idest in Synodo vera, & formali ad formam Concilii, & Decretorum Sac. Congr. legitime approbati, & electi, examen esset nullum, ex deductis à Garz. *de benefic. dict. part. 9. cap. 2. nu. 82. 83. & seqq. Ventrigl. prax. part. 2. adnot. 5. n. 34. & seqq.*

9. Hæc tamen qualitas Synodalitatis in Examinatoribus requisita, præsumitur intercedere, quando tales eos appellat

lat Episcopus, vel ipsi tanquam tales se subscripsissent examini: Unde qui impugnat concursus validitatem, quia negat in Examinatoribus hanc qualitatem, negativam probare tenetur, ex quo semper præsumitur pro actus validitate, ut in terminis probant Lotter. *de re Benefic. lib. 2.* *quæst. 31. num. 89. & 90. Barbof. supra Concil. num. 102. quos sequitur Ventrigil. loc. cit. num. 45. & etiam quia negativa formæ, seu qualitatis, semper sit probanda ab allegante, juxta doctrinam Glof. in cap. Accusator 6. quæst. 5. Ciarlin. contr. 213. num. 32.*

Edicti prorogationis concursus.

F O R M U L A X I.

N. Episcopus N. sive Vicarius Generalis.

VAcante Animarum Cura Parochialis Ecclesiæ N. loci N. nostræ Diœcesis per obitum N. ultimi illius Possessoris, qui ut Altissimo placuit die . . . se ab humanis separavit, Nos de idoneo Successore dictæ Ecclesiæ, & Curæ ad formam Concil. Trid. providere cupientes, die . . . currentis mensis pro concursu habendo Edictum cum termino decem dierum ad comparandum, nomina, & cognomina danda, expediri mandavimus. Nunc verò, ut omnes majorem notitiam habeant, dictum terminum ad alios decem dies proximos ab hodiè incipien. & ut sequitur finien. prorogamus, itaut à die primi Edicti viginti dies tantum numerentur ad formam Constitutionis B. Pii V. in conferendis. Ideò harum ferie & tenore omnes, & singulos sese examini subicere cupientes pro dicto concursu, requirimus, convocamus, & monemus, ut in termino sic prorogato coram Nobis in hac Civitate N. compareant in Actis nostræ Curæ, & sese ascribant, & adnotari faciant, quia termino elapso concurrentium examen coram Nobis, & Examinatoribus Synodalibus die . . . habebitur, digniorique Cura conferetur. Datum, &c.

N. Episcopus, sive Vicarius Generalis N.

Loco ✠ Sigilli.

N. Cancellarius Episcopalis.

Edicti concursus Parochialis vacantis in Mense Apostolico.

F O R M U L A XII.

N. Episcopus N. sive, &c.

VAcante Animarum Cura Parochialis Ecclesiæ N. loci N. nostræ Diœcesis per obitum N. illius ultimi Possessoris, qui diem suum clausit extremum de mense N. reservato Sedi Apostolicæ: Volentes, & cupientes Nos, ut de idoneo Successore Cura, & Ecclesia prædicta ad formam Sac. Concil. Trident. & Bullæ B. Pii V. provideatur, præsens Edictum expediri, & ad valvas Ecclesiæ Parochialis vacantis, & Cathedralis affigi, & publicari mandavimus, cujus vigore omnes,